

進賢縣志卷二

輿地 山川 坊都 街市 物產 風俗

山川

壇石山 在縣署後數十步開時以石勢稜峭有角故名又相傳昔關縣基得斷石有尉遲恭監修五字

棲賢山 縣東八十里在十七都一名小天台山相傳天台山烏藥梔子二藥為佳此山次之因名後以唐撫州刺史戴叔倫讀書於此構明經堂改名棲賢山

棲賢八景

農郊晚唱 僧寺晨鐘 茶圃春雲 書台夜月

進賢縣志

卷二 輿地

一

筆峯聳翠 帶水送青 寒沙泊鴈 暖谷鳴鶯

齊之千棲賢山賦

伊神堯之受命兮本陶唐而得姓肇歷數之廣運兮跨魏晉而與漢競爰太宗之行仁義兮其致治幾乎三王之盛乃文章不能反五代之餘習後百有餘年韓柳之徒出而始更於正陳聲詩以試士兮煥同文之律令胡李杜之聖兮曾不得緣是以為進戴公起於貞元之季兮奴騷壇而主盟刺撫饒多異政兮狎魚鳥以怡性家東湖而來止兮號棲賢以志美羌紛紜之耒耜兮惟達人專有此山水信青溪碧澗之不改兮流終古而勿滓擷天台之靈根兮雜烏藥與梔子招靈修

而徙倚兮莽荒荒兮故址傍祇園而隨喜兮詫金剛之如巋
悲正學之頹委兮曾不比乎釋氏明經堂之草芊芊兮寓閣
杳不記其地挹武陵之高致兮配戴公而千祀自古興廢之
理如此兮又何有於一坊之永峙貌榮名以留勝兮徒彳亍
於石磴當比興之充牣兮痛六經之汶汶績尼山之刪定兮
振聵蹟而使醒嗣仙令之披徑兮綴八景以遊詠聚學徒而
圓聽兮驅臭腐之餽釘借文字之憑倩抒義理之精蘊噫吁
噉戴公黃公五百有餘歲氣相求聲相應樹來賢之考鏡想
遺範於令評世豈無抱復古之豪興吐反經之積憤毅然修
舉蕪者平之穢者屏之一旦崇墉邃宇長廊大廷伉然清淨
之中天而經學之炤耀於億萬年後人得而頌之曰三賢庶
此方之有慶乎

進賢縣志

卷二

輿地

一一

楊梅山 縣東五十里在十三四都山阻深易藪盜

鑠山 縣東八十五里在二十都出鐵今隸東鄉縣

巖前山 縣東南七十里在十八都十九都交界其巖一若獅
一若象

三臺山 儒學面對在縣治東南五十里三山蜿蜒相連而中
峯特峻一曰鸞臺一曰鳳臺一曰鶴臺遠瞰常湖九曲騫翥特
秀波光漣漪土人呼爲筆架山故 謂學宮 山川之助云

華蓋山 縣治南儒學後

臧山 縣治南城外在六都以臧嘉猷隱居於此故名今爲崇
眞觀是山之木隆冬不凋

眞如山 縣南文明門外一里在六都

麻山 縣南二十里在四都上有麻姑壇豫章志云晉王郭二
仙憩息之地後包真人飛昇於此山上有龍井禱雨輒應天順
間建飛昇亭

雲山 縣南五十里在四都

榭山 縣南四十里在十二都山上多榭木名一名龍巢榭皮
可爲紙

進賢縣志

卷二

輿地

三

何嘉山 縣西南以宋令張嘉謀有德政去任民攀留之因以
子贅何氏居此名

金山 縣西南四十里在三都與臨川接界以昔產金名下有
淘金井

鐘山 縣西南五十里二山臨水破裂本名上下破山相傳元
大德間漁人入水得古鐘十二僉事高賓改今名

烏石山 邑治西在壇石山左多巨石其色皆墨

港南山 縣西十里其山平夷旁卽驛路同治六年鼎建石亭
東接雲橋西通羅溪

覆盃山 縣西四十里以形如覆盃名一名福楹

漸嶺山 縣西五十里在三十七都山有石壁俗呼石倉又有石如鎖貫石竅中搖不可脫宋時於此置驛更三十里爲武陽渡乃漸山盡處入南昌縣界

英山 縣西北二十里在下八都臨青嵐湖係通邑水口相傳唐葛潘三仙姑於此飛昇上有仙井

緱山 縣西北六十里在青嵐湖中四周皆水砥柱中流爲縣治水口

捍城山 縣西北四十里

北山 邑治北七十里在二十七八九都濱彭蠡四周皆水與天無際其土平行自軍山湖北望之則隆隆若山然利耕作居

進賢縣志

卷二

輿地

四

民常千餘戶元伯顏子中隱於此

熊大司馬明遇北山表勝記

北山當鍾陵迤北本大澤鄉川汭徑復滔淡何哉有所謂山者蓋天地成而聚於高歸物於下川以導氣澤以鍾美每能產化嘉材夫固彭蠡西南隅之平壤也凡諸平壤濱蠡者皆夷隲似砥灌莽蕩漾廓愴而虛第用白圭堤捍之法障外浸不入歲登宜稻歲不登一望蒼煙白葦而已北山之壤雖平而岸迴鬱映樹蘿蔕蔽翳墟里相接高下阻修長薄羅絡坻阜蜿蜒浦淑交輸灌溉宣瀉豈區區魁陵夷陸陪阿煩壤所敢望臨深爲高山所由名乎而支渠涇汜藪汚午貫河壩多

張味勢不能堤捍外浸然田半屬隆阜亦無須堤捍也幅員廣運徑以十餘里計圍以三十里計而我朝二百七十年以來辟召入館翰一人中禮官甲科十五人南宮鄉薦十二人而旣家絃戶誦矣水草之湄戴茅蒲遊牝牡講眾畱登川禽以薪蒸可耕可牧可漁可樵可讀豈非秀靈上隩哉其地脈由東南之雄嵐峯而西衍榭山麻山麻山之近者爲邑落復自麻山而西南至流嶺泉嶺皆臨川境泉嶺東北行至玉嶺而漸嶺爲之帳自土坊墪上竹林厚田揚坊渡水矣爲白沙皆東北行渺然一巨浸焉忽於北湖潏潏中崛起宋家山大可百畝地形家所爲蛛絲馬跡也過水重蟠支幹是爲北山

則逆勢南行者十餘里如螭龍蜷蟬支幹自爲蕃衛東西南北皆汝水溝之三陽神浦爲朝山象隔水朱衣又振盡麻榭源來水二百里句已襟帶洞陽浸其西日月湖盪其東人民皆營度爽塏之場而聚托爲居凌跨駢羅甲第鼎鼎輕林茂木映蔚相依吾熊聚族當冠首諸著姓若繡錯河環在外而包納瀝瀦在內處處可以浮船羣木秀長婁婁然其葉若苑篠簞娟娟亦蕭蕭其陰相傳有北山十景見於先達之詩予亦有詠如青山古渡於平湖曲沱中突隆隆爲高崗厥土赤墳登其巔四遠之丹崖碧浪可挹可凭先王父大司寇簡夫公冢在青山之首焉冢後爲崗者三里饒戎菽木棉麻棗之

種而諸樊祖冢當雷坊要脊竝稱吉土龍岐沙磧宛若遊龍
爲吳氏族居其上世所葬在涂婆崗稱雙魚拜冢爲父子甲
科之兆院脊回身顧祖宋山當龍之蟠旋昂準母夫人王窆
焉後沙墾積高爲邏城登其上北望匡廬如垂雲康山南山
几山如點金岐李岐梅岐如抹勝國時帥辛敬築臺守望所
清果嘯臺也前後左右幽煙緬邈清潭沉沉漾舟入蔣菰
鷓鴣鳧鳧鴛鴦鷓鴣接翼翔嬉霜鶴晨警朔雁秋歸號其數
千萬未已也鶴山丹井傳爲施勇悟真人修煉處亦昂邱於
湖之中而梧山與卓嘴擁之若玦湖名大王塘小王塘屬與
顏家山際吾上世祖邱也視其兆甚祥楓樹數株乃宋朝舊

植山以伯顏子中隱此得名汝河重遠在其北立干擲之司
於龍頭十景有龍山過艇卽此程埠更樓徐壽輝之亂吾家
伯幾先生及里人樊明仲團結義兵處寨址猶存梵寺長松
本梵葉寺樊氏盛時廢之爲屋今屋亦廢僅數株龍鱗矯矯
溜雨千霄而已大抵地在八九兩都者龍勢多北蟠至吾家
三里後則南裊鍾美毓秀收山水氣局之正西偏之劉家山
爲吾曾祖冢師公廟爲御史大夫祖冢稍西南則舒文節祖
冢與吾家孝廉祖冢皆相望而官橋草綠一景則密邇三陽
碧萋萬頃瀲灩一帶丰茸蕪薈水陸通衢是御史大夫功德
也三橋鼎建卽在羅渡高楓病涉處闢繕野涂沐之使無穢

堤之使無濫康之使無坎瀕湖之澁梁其出納之喙凡三所
密緻堅韌瀾瀾孽孽如虹飲水無梗行者予嚮也與樊中丞
潘方伯始議鳩僦語在津梁道路記中二公已不可作暨斗
湖之堤與北湖之橋當始終以河租之餘任繕治作堅牢界
有夷之行子孫保之豈目前塗飾是爲夫古者王政水地戒
潦甸人具徒川虞視澤梁畝人視洫遂水師監決塞雨畢除
道火見期於司里藪有圃草臺有寓望皆周制也生於斯者
被天和食地德固宜隨分修六府三事之遺以輔相化育而
成嘉功山川之清淑者神明守之惟士君子能節宣其氣毋
使湫底沉癉彼耕鑿者庸次比耦芟刈蓬蒿之不給誰適任

度外事耶是在予與里中賢三老子弟也

北山十景

青山古渡

龍岐沙郭

青果嘯臺

鶴山丹井

龍山過艇

程埠更樓

梵寺長松

官橋草綠

羅渡高楓

三橋鼎建

熊明遇北山津梁道路記

北山名爲山其實以平原廣隰宛在水之中央地勢盤曲包
九湖而自塞其兌信撫諸大浸滙洞陽洪塘而澤於蠡者復
股引爲支河句已以帶之屬南進二境之界五里外必再問

津迺得達傍津盡河壞地奧草丰茸彌望青陸奈夏水羨溢
衝岸坤壞地流寫則益刮除成空久湫大沉沉有漏注兼湖
之置梁笥所深沛如屋霑向所謂再問津者今且阻四五津
褰裳涉焉輒溺勢不得不爲長渡渡凡五里往來甚滯夜則
行旅荒莽無所依宿多爲伏戎所攻剽蓋馬塘羅渡至白沙
湖是也又上下斗湖皆巨瀦湖喙爲河所嚙竟深廣蝕輓道
而蘆潏渡五倍其長病涉與馬塘羅渡同百年父老有憂之
計無所出會昭度潘公奉璽書爲屯漕水利使者持廉布惠
多發鍰贖輿原田河堤之役所在調舞父老曰時哉不可失
也熊子遂謀於同里中丞鍾 樊公指百金爲倡問山師伐

石問段氏鑄鑄率子弟控之潘公公上其事於撫軍石帆解
公下其議於司理嘉錫李公下其事於邑侯石雲王公屬監
護之馨鼓於高廣文日昇斥鹺 二百五十金又屬邑侯清
本鄉漁利銀贊是役於是熊子偕樊中丞舉里中有識長者
敦敏文學經其事俾其爲大橋三橋高廣丈尺有咫下可通
百石之舟而上可連騎小橋三高廣半大橋購浮食奇民輦
土塞漏注凡七處爲路堤十里繕舊五里鼎新六里計費視
諸橋約五百金而工粗具作始於初秋比定星昏觀南正竟
報成事向之擿墳索塗車輸馬殆半日而問一津今瞬息徑
彼岸眞若從枕席上過矣是誰之功哉夫東里以小惠遺譏

謂其有悅衆心驩虞如也卽斧斷若西門豈不去後見思如
當時驚民之怨何今茲之役慮始樂成民皆繇之而不知倘
亦得太上之因無夏革之迹爲政者固爲之而不宰耶雖然
民可不知也士君子不可不知也熊子於是效黍苗之歌召
伯者若曰北山四輪原隰昫昫其土墳壤其水肥仁維水之
隳東鹵湖垠深淘者渾淺包者濬九派滔陸迷牛之津濟川
作楫三日公句妥若安裘穫若麋畷醇茲朝潔澤於靈春渫
此沉沛河公不瞋俗有樂子路無憂民通德九軌結慈三因
大夫之功炳炳鱗鱗解公諱學龍別號石帆直隸興化人癸
丑進士潘公諱曾絃別號昭度浙江烏程人丙辰進士李公
諱嗣京別號嘉錫直隸興化人戊辰進士王公諱揚基別號
石雲直隸灤山人乙丑進士俱治世卿材高廣文日昇饒州
鄱陽人以明經開教屢登薦剡者領事文學則樊尚輝舒雲
吾家廷立大成也例得備書

附加增漁課事繇碑

南昌府進賢縣爲懇施仁政清課餘以繕湖鄉塘橋事案
照該本縣儒學生員樊尚輝舒雲熊人定等具呈前事蒙
欽差巡撫江西贊理軍務都察院右僉都御史解屯田水
利鹽法兼分巡道左布政使潘批行南昌府理刑推官李
本縣知縣王詳據蒙批漁課一項久爲市駟奸胥乾沒昨

年始清覈在官已繕州都修圩之用一年矣以後如詳以七八九三年之銀抵北山工役至十年以後自宜聽北山自承課戶自備修築銀毋得擅改別用以協輿情仰館卽行縣取遵依繳報勒石縣門取碑刻繳蒙此隨行該地鄉紳里老舉貢生員等人公看得北山二十七八九都地坐湖濱一望芟牧節被水患蒙前任巡撫都御史王本縣知縣錢軫念北山下澤之鄉屢經大浸擬將上下四段官河弛禁貼付該鄉聽民舉網無課隨該鄉紳里老議得四段官河歲入漁利過百金節係積慣豪民包認名爲課戶每歲止納官課數十金號召新建太子廟前交網秋前嚴爲

厲禁至冬取魚深潭魚方蓄聚潭中交網絕流千人喧噪河水振盪獲若邱陵豪民網戶對半平分得利雖多私爭公訟靡有寧歲若一弛禁則北山一二小網之民無從投足別縣大網所過不留勢同竭澤且無豪民爲課戶掌禁則秋冬不時下網魚皆驚散將尺鱗不登於市鮮食益艱此名爲利實爲害也莫若仍聽課戶禁掌而加增銀各卅兩寄封鄉老專爲本鄉修堤賑拯之需庶官課無虧水荒有備等因議上院道於是豪民包課之家復羣起呈告加課非便不知加課所以抑豪分賑所以濟衆北山受水之害自應得水之利未有長河大利反爲別鄉積豪侵擅者

況本鄉大族豈無良民願輸若鄉紳當名義自愛誰肯逐
鮑臭之餘不得藉口也於是院道縣斷然行之議加歲各
三四十兩行已數年修理有賴窮鄉父老頌仁政不諼乃
縉紳遠在官方豪復夤緣延捺動以三星在留爲詞銀雖
催而豪仍未輸見寄封者又爲猾胥應他事挪用蓋二十
年來不可問矣幸崇禎癸酉之歲本道潘職任水利擬爲
北山建圩業經查勘奈工程浩大本地鄉紳熊樊俱在里
居始將課餘緣繇備陳方行查覈緣建圩有待而暫支此
銀一年修白沙隄及梓陂修圩事出公裁北山無靳而橋
梁路堤之議起矣蓋北山四週皆支河巨湖五里外必問

數津一經大水東北滙澤爲彭蠡積數月不見乾地小民
罌粟不飽豈能握數錢飛渡出境市米穀有窘而枵死耳
此橋梁路堤之興適遇本道潘公捐金發助之厚眞百年
一時也工程繁鉅而助銀止六十兩政需爲北山歲修之
用迺梓陂之鄉沿一年之假借遂欲矇爭爲彼地世有宜
北山之未肯平也今蒙本道再三議詳以見在三年專爲
北山橋堤之用以後則聽北山自承課戶仍自助修築銀
付鄉耆爲北山修建備荒誠爲妥便兩鄉允服感悅緣蒙
憲批勒碑縣門事理相應節畧緣繇備登堅珉用垂永久
等因到縣該本縣備查前後案卷無異擬合遵批鑄石須

至碑者

龍岐山 邑北百餘里在二十九都一名龍頭山婉轉如龍據鄱陽南岸爲西河之委對八字腦舊有巡檢司今裁

角山 縣東北九十餘里在二十四五都其山多石石勢稜削因名或作珏山

白崖山 縣東北百餘里在二十四五都其地近出紅石

石牛山 縣東北百餘里在二十四五都俗名牛頭山山北有墩曰團墩

鳳嶺 邑東七里在七都與斫琴窩東西峙

斫琴嶺 邑東五里在七都相傳臧嘉猷嘗斫琴於此登眺之

進賢縣志

卷二

輿地

十一

戊戌補刻

餘衆山皆響

馬鞍嶺 邑東五十里在二十二都其形如馬鞍高峻

馬銀嶺 邑東五十里在二十二都與馬鞍嶺相連

師古嶺 邑東六十里在十八都十九都交界

雙乳嶺 邑東六十里週迴五里

鹿嘶嶺 邑東七十里

鐵山嶺 邑東七十里山石黑者如鐵

冶塘嶺 邑東南六十里在十九都又名野塘峽巨石若盤西

五十步有泉利灌溉今隸東鄉縣

梅峯嶺 邑東南六十里在十九都相傳梅子貞爲尉時行縣

憩息於此一呼禮梅嶺又名白雲峯今隸東鄉縣

雞公嶺 邑東南五十里在十三四都香爐峯右其頂尖峭名以象取云此三臺山之一

霧嶺 邑南百步許環迤如帶元元貞中邑令趙銓開爲通達
元貞府志作大德

盤賢嶺 邑南三里在一都朱子往泉州與呂伯恭盤桓於此故名俗呼饒家嶺有亭

高宗嶺 邑南四里在一都相傳宋高宗南渡時有宗室嬪御嘗駐此石勢如臥牛又呼石牛窩

禾嶺 邑南七里在一都上有伍員廟

進賢縣志

卷二

輿地

十三

志嶺 邑南二十里在三都上祀碧霞元君嶺半有龍井清泉馥郁雖大旱不涸相傳志公曾卓錫於此因名

長歌嶺 邑南十里臧嘉猷與鄉人曾燕遊於此

焚香嶺 邑南五十里高四十餘丈週迴可二十里相傳謚母與陳萬二仙姑遊此

流嶺 邑西南十五里在二都有石焉泉流不竭又名鄭公嶺漢樂府有石流夫山澤通氣海水歸墟地絡滲注山之最高卽海之最下蒙泉固有溢於高峯之巔者豈獨華峯玉井瀦

嶽天池耶

羸志

仙鶴嶺 邑西南十里高二十丈廣十五里

走馬嶺 邑西南二十里在二都近產煤炭

銅嶺 邑西南二十里在二都上有巨石如銅

羅溪嶺 邑西三十里在三十五都半屬南昌上有巨石勢若

張羅因名山之麓有溪通鄱湖

望夫嶺 邑西三十五里在三十五都相傳昔有婦以夫戰鄱

湖登此望之遂化爲石其手碎竹葉後竹多片片碎

泉嶺 邑西四十里在三十七都高三十丈週迴十五里上有

流泉冬夏澄澈

護福觀係三十七都泉嶺舊志載本觀基地貳畝零八釐一

額山三十二畝七分一上田貳拾壹畝陸分四釐一中田柒

進賢縣志

卷二

輿地

十四

畝貳分陸釐一隨田塘叁畝壹分叁釐一草地肆畝陸分捌
釐大共官民米貳石陸斗陸升柒合成丁柒丁以上皆萬歷
間令黃汝亨因廖玉侵山一案詳查舊志刻載壇石事記中
蓋曰疆界清明今後之守土者按故實而稽焉界址丁糧丈
尺犁然可憑他邑無與進賢爭此土也

縣志

齊廷勝泉嶺記

泉嶺進邑西來一大鎮也舊志嶺上有泉流石澗冬夏激徹
故名泉嶺山勢自東南趨西北沿大河亂湖水曲折數百里
所蘊發諸先正文章經術節義科名載在史官者不勝述其
鍾毓固遠焉山故護福觀老氏居也後以不能如戒行去康

熙時僧慧巖寓此改名東華寺有徒方脩張而大之最上爲
普化殿孟真人煉丹處今廢前佛世尊中祠泰山元君元君
少昊金天氏第四女曾承黃帝使詣西王母得道封碧霞仙
遠近瞻禮者有禱輒應蓋茲山之興皆我元君之靈耳最前
懸崖爲樓開軒一望長河在襟帶間平田萬頃環其下狐嶺
鶴岡如蹲如揖周遭村落棊布星羅老樹葱鬱遮天半空青
一色坐聽樵聲鳥聲丁丁嚶嚶相酬答洵耳目一壯觀哉嗣
是釋氏稍微而岡阜兀如遂皆化爲老翁童塌矣今 上龍
飛之初始移元君廟於佛堂之東雖規模粗就而十餘年來
風雨漂搖墻壁頽剝古佛金容俱現青黑過其地者應不勝

感慨係之也歲庚子雨暘時若僧寶光克承先業帥其子若
孫種植林木漸有起色念此寺不脩且圯用是乞募四方以
新其釋氏之宮使夫頽者葺之湮者復之黑白漫滅者黝堊
之嗚呼是亦勤矣則政不必談神貺侈游觀也而茲山所蘊
爲文章經術節義科名之炳炳隆隆者意在斯乎意在斯乎

玉嶺 邑西五十里在三十五都

帳幕嶺 邑西五十里在三十八都東迎鶴嶺西引狐峯勢如

帳幕故名

潘公嶺 邑北二十里在上八都相傳潘大法真人曾修真於

此

超岡嶺 邑北十五里在上八都縣署坐爲屏俯瞰溪水

北嶺 邑東北十里有巨石奇峭高五十丈綿亘五里

尋江嶺 邑東北十五里在十五都舊產鐵

斂足嶺 邑東北三十五里在十六都相傳昔有仙人於此斂

足而坐

仙壇峯 邑東七十里在十九都上有三仙壇禱雨輒應羅必

元居近此今隸東鄉縣

南箕峯 邑東七十里在二十二都一名雄峯盤旋若箕中有

石柱削立十餘丈柱旁有二石笋尖圓聳拔稍低於柱近柱有

石塘深數丈傳云有小穴通海雖大雨其水立涸土人於塘內

進賢縣志

卷二

輿地

十六

取石燒灰故又名石灰嶺柱上有三清廟下有法幢寺

南城峯 邑東七十里在二十二都舊傳夏侯勝王陵墓在焉

有塘四時不涸上有掩軍祠祀張忠靖王皆雷氏祖塚每年祭

賽必以雷氏爲主先致祭於其墓而後出神

華蓋峯 邑東十五里以似華蓋故名一云仙鶴峯

紫雲峯 邑東五十里在十三四都舊名紫霄峯形如甑蓋俗

因呼甑蓋嶺云此三臺山之一

香爐峯 邑東南五十里在十三四都狀如爐雨將作烟霧滃

然上有許旌陽祠云此三臺山之一

白狐峯 邑西五十里在三十八都一名白狐嶺上有架裳巖

摩雲頂諸景相傳晉子旼禪師曝衣峯上里人卽石室祀之明隆萬間卽址建菴僧人靈源斲石成徑以便往來

鶴仙峯 邑西六十里在三十八都高峯昂峙俯視衆山其山脈從豐城招雲嶺來特起作勢聳爲奇觀

雙乳峯 邑東北二十里在上八都又云雙耳峯俗呼仙姑嶺赤岡 邑東三十里在十六都土燥而多赤色

五龍岡 邑東七十里在二十三都軍山湖東周坊村南五支分行若渴龍飲水

大歇岡 邑東八十里在二十三都下連小歇岡
捉牛岡 邑東二十里在十都

進賢縣志

卷二

輿地

十七

大嶺岡 邑南五里在五都今爲武試射圃

介岡 邑西五十里在三十八都與臨川縣抵界饒氏世居於此

介岡八景

楸山曉烟 藍津午月 青洲長漲

白嶺春雲 石罅迴瀾 柏林紅葉

鶴林晚鍾 菊莊夕照

虎拜岡 邑北二十里在下八都明洪武初孝子包實夫遇虎處

陳善虎拜岡記

包實夫瀘溪人也世業儒魯伯先生其父焉明經力學事親
惟謹嘗以文行著於鄉故爲受業者所賓禮洪武九年館於
邑之太常里是冬歸省而復之焉由故途至厚榭忽值一虎
突其前實夫進退莫能避虎始而伏狀類拜者徐起銜其衣
之左腋曳之行實夫隨其往至林莽中虎釋而蹲實夫亦對
而踞乃語之曰爾虎也爾得毋啖吾肉殪於爾吾復何憾然
吾二親俱七十餘汝能容吾畢其養乎吾肉苟可食終還於
汝也虎乃起曳其衣裾復至故處舍而去嗟乎虎惡獸也何
人心之有惟知其父子之仁爾故人之遇虎鮮有得生者然
獸之仁由人以感之況孝弟之至通乎神明實夫遇虎而不
傷正色以待之豈非視生之如寄死之如歸歟抑孝弟之至
而有神明祐之歟則物吾同與也孰無人心之謂哉余故傳
其事以爲事親者勸

虎樓岡 邑北四十里九都東傍軍山湖西傍青嵐湖竹木青

葱

西赤岡 邑北二十五里在上八都上有赤岡菴

大石磯 邑東北三十里軍山湖側在十六都頂有巨石其磯

隨水消長相近十武有小石磯

鄔子砦 邑北一百二十里在二十四五都舊有巡檢司及驛

丞今裁

南石坑 邑東三十五里在十六都俗名石坑昔產茶 海棠洞 邑東七十里臧嘉猷讀書處 畫洞 邑東七十里在十九都有雷度讀書菴今隸東鄉縣 北谷 邑東七十里在十九都羅必元隱居於此今隸東鄉縣 黃牛城 邑南五里樟岸坪 邑東八十里在二十二都潭津市之南 龍馬坪 邑西五十里在三十五都宋德祐三年蒙古兵逼撫州州將密佑逆戰於進賢坪進至龍馬坪力戰爲敵所執不屈故此又名戰坪 三陽水 縣北六十里在二十六都以南陽洞陽武陽三水合流故名諸水皆會於此又北經南昌東北界滙入鄱湖李瑄曰進賢縣之水惟以鄱湖爲統會而水之經則曰三陽

進賢縣志

卷二

輿地

十九

金谿湖 縣北九十里三陽之下在二十四五都凡各湖入瑞洪合彭蠡之味也

鄱陽湖 縣北一百一十里郎禹貢彭蠡是也隋以鄱陽山所接故名鄱陽湖合受上流諸水周環數百里東至饒州府餘干縣之康郎山西至新建縣首陂里北至南康府都昌縣南南至進賢縣北山

日月湖 縣東北二十里在十五都一名洪源湖池陂諸水所滙中有二小山東曰日西曰月水涸則分爲二漲則合爲一北流入鄱湖中有石人灘讖云日月湖明良將出石人灘合狀元生後明正德間舒文節芬狀元國初傅忠毅宏烈封將軍果應

之

軍山湖 縣北四十里在九都之東二十三都之西一曰南陽湖延袤五十餘里有軍湖書院遺址縣境之水日月軍山二湖最大而總歸於鄱陽湖

青嵐湖 縣西北四十里自下八都英山至二十六都神浦渡長六十餘里一曰洞陽湖湖中有閃山孤嶮雲橫神靈之宅

按舊志云清溪南陽二水出於斯故亦名清南不知南陽卽軍山湖與青嵐東西派別不得云出於斯且西北亦別無南陽水也恐誤

白沙湖 縣西北八十里在三十都與南昌之大小沙湖相連

進賢縣志

卷二

輿地

二十一

延袤二十餘里冬則多涸

陽方湖 縣東北七十里在十七都二十二都界內東北流經瑞洪折西北入鄱陽湖

常湖 縣東一里在六都其水九曲故曰九曲水院澤優遊長樂諸水所匯合通濟港西北流入青嵐湖

院澤水 縣東南五里源出榭山匯於臧溪灣旋九曲繞於學前合通濟港流入青嵐湖

通志載北流入洪湖誤

優遊源水 縣東五十餘里

府志載縣西六十里誤

在十一都源出榭山

下注臧溪復流與通濟橋水合西有泉井唐臧嘉猷所鑿

看源水 縣東七十里兩山之間在十九都其水亦從榭山發

源下與臧溪水相合出通濟橋俗呼漢源今隸東鄉

潤陂水 縣東七十里以戴叔倫係潤州人故名源 雄嵐峯

北流滙爲陽方湖又東北入餘干縣界瑞洪鎮入鄱湖

按府志云進賢之水西北與撫河會以入湖惟潤陂湖徑歸

鄱陽

池陂港 縣東四十里亦名南陽水源出香爐峯東北流入洪

源湖又北滙於軍山湖入鄱陽湖

通濟港 縣東南源出香爐峯流經九曲遶縣治復迴折西北

流滙青嵐湖

府志載北流滙軍山湖誤

鍾陵港 縣東五十里源出師古嶺流經潤安渡入軍山湖

進賢縣志

卷二

輿地

二十一

長樂港 縣南三十里在十二都亦名臧溪以臧嘉猷居此得

名源出櫛山合優遊源水院澤水至縣東南入城又東折出城

繞城北入青嵐湖

羅溪港 縣西二十里在三十三都一名清溪源出流嶺北流

稍曲而西經羅麓又稍折而北至顧匡翥合東南自英山以來

之水入青嵐湖又北入南昌縣界爲南湖

石峽源水 縣東七十里在十七都棲賢山側出金魚

岡前湖 邑北十里在上八都超岡嶺下水入青嵐湖

御遊灘 縣東六十里在二十二都鍾陵橋下相傳明太祖征

陳友諒兵至此傍有武功坪

迴龍洲 縣北四十里宋淳熙間居民得白龜於此獻之郡帥
呂師中圖其形縱之曰放生池

龍馬洲 縣北四十里在二十三都近軍山湖畔相傳三太子
得白馬於此

前洲 在縣治東啟和門內一名前芳洲傅太學士冠世居於
此

星子洲 縣北二十里在一都

梓溪 縣北一百二十里在三十一二都舒文節芬世居於此

艾溪 縣西六十里在三十五都陳贊善棟世居於此

戟溪 縣西五十里在三十七都

進賢縣志

卷二

輿地

二十二

雷溪 縣西五十里在三十七都邑人章一龍卜居於此

龍潭 縣東十里在六都龍安山妙巖寺西水泉清冽岸傍林
木森然

萑蒿潭 縣北八十里在軍山湖中隄產萑蒿其水通臨川縣
之積煙山龍穴宋淳熙庚子旱舟人見五龍升降其間翼日乃

雨

蓮花池 縣治西南少府橋右十餘步

放生池 縣治東五十餘步或曰旱塘上有亭土人相傳曾太
監構今廢

幽槎池 縣東北八十里在二十六都醺口一日玲

墨池 縣東北四里在七都能仁寺傍相傳魏徵士讀書於此
聞蛙聲以硯擲之至今水黑無蛙

泗水瀝 縣東六十里在二十二都鍾陵橋御遊灘南

縣治左義井乾隆五十五年庚戌知縣首永清構亭其上顏曰
第一泉今亭廢

縣頭門左義井 旱塘義井 狀元坊義井

龍王廟義井 忠武廟義井 霧嶺義井

稅課局義井 儒學塘義井 海智寺義井

優遊井 在崇真觀南唐臧家猷所鑿白玉蟾煉丹於此

龍坑井 縣南三里在一都相傳昔有龍潛伏其中一日雲霧

進賢縣志

卷二

輿地

二十三

四塞雷電震驚龍自井騰空

聖井 在舊麻姑觀東乃包真人顯跡處每風月澄清之夕常
聞鐘磬步虛聲

麻姑井 在麻山石壇之下又名白暨泉 府志作
由暨 內有仙跡在

焉

張姑井 在四都明心寺西水或五七年一湧

禪靜井 縣西十餘里在二都楓林山

大滿井 在七都鳳嶺下

陽和天井 在英山湖中相傳井水與積煙山通

丹井 縣北八十里在二十八都北山之鶴山靈陽觀側相傳

許旌陽大弟子勇悟真人施岑煉丹於此

園附

歸仁鄉

雙塘廣二畝 度山廣四畝 南陽鋪廣五畝 白石坑廣三畝 左漸岡廣四畝

院岡廣六畝 太平上廣五畝 北家坑廣六畝 清窟廣三畝

真隱鄉

方岡園廣五畝 坎頭廣三畝 竹家園廣四畝 饒方坑廣六畝

崇信鄉

池陂廣三畝 黃橙廣五畝 塘下廣三畝 黃泥岡廣三畝 饒方廣五畝

李家坑廣三畝

進賢縣志

卷二

輿地

二十四

崇禮鄉

冷井廣三畝 宋方廣二畝 東湖岡廣四畝 官山廣三畝 北山廣二畝

欽風鄉

楊方廣四畝 逆塘廣三畝 黃山觀廣二畝 謝家坪廣三畝 彭方廣四畝

城岡廣三畝 楊文岡廣三畝 西石門廣三畝

以上園名未詳所自存否今亦不可考但載舊志不敢湮沒存其籍而已聶志

坊都

進賢縣領坊十三隅六鄉五乾隆府志

縣城內十三坊

狀元坊 縣治南屏牆外自縣治直至清政坊中分向左右出巷

縣門前分左通義立坊 明萬曆二十二年知縣毛一瓚改題

清政坊 縣治南百十步北接狀元坊 明洪武初知縣梁璧立

民和坊 縣治東南西南通折桂坊中分向右通賢行坊 明洪

武十三年知縣徐成美重立

賢行坊 縣治東南通民和坊向東分岐折北過通濟橋至東門口止折南接折桂坊 宋景定間

立

折桂坊 縣治東北接賢行坊南接大成坊中分向西南通仁壽坊 明洪武二

十六年邑丞劉彥琛重立

大成坊 縣治東南北接折桂坊南通萬石廡 明萬曆四十五年知縣沈景

進賢縣志

卷二

輿地

二十五

初立

義立坊 縣治北自北門口迤西至縣門前狀元坊中分向東北至青龍橋

仁義坊 縣治西自西門口向東接仁行坊東通義立坊壇里向南通仁行坊

仁行坊 縣治西西至文節祠右接仁義坊南通仁壽坊自義井鋪分西南通太平坊分東通民和坊 明

洪武十八年知縣陳有常重立

仁壽坊 縣治東南南接積善坊東通折桂坊中分向西北通仁行坊 明洪武二年知

縣梁璧重立

積善坊 縣治南自南門口向東折仁壽坊中分向西一通田洽坊一通太平坊 明洪武十三

年知縣徐成美重立

太平坊 縣治南西南接田洽坊東通仁行坊鋪中分向南通積仁坊

田洽坊

縣治西南

南通積善坊北通仁行坊東通太平坊以上採訪冊

東隅

西隅

南隅

北隅

中隅

正隅

初制城內曰坊此六隅是也城外曰鄉而邑不另設其邑中

之經途皆謂之街邑城之外謂之區區所轄為都

轟志

按轟志載東隅賢行坊西隅仁行坊南隅積善坊北隅折桂

坊中隅義立坊正隅民和坊舊名雲錦又名永安

歸仁鄉之區轄都九共七十有一圖

舊志七十六圖乾隆府志七都四十七圖

一都之圖七

轟志圖十二

邑西輯瑞白石陂義坊東山卓山濠里

高宗嶺等處

二都之圖六邑西南藍田雷公塘寶城樓下壠壠里黃鱔塘

進賢縣志

卷二

輿地

流嶺銅嶺查藍等處

三都之圖七

轟志圖四

邑南南陽鋪金山橋陂石門楓林寺等處

四都之圖六

轟志圖五

邑南麻山北榭鋪漸溪涼陂吳參上陳櫟

木櫃等處

五都之圖四

轟志圖六

邑東南壽山橋庫山雙溪彭源大陽殿老

關王廟等處

六都之圖七邑東南院澤常湖岱山北嶺鎮頭嶺城背湖東

嶺東等處

七都之圖七

轟志圖九

邑東北木橋東關白果樹斲琴凰嶺斗門

板橋土橋燕窩蘆溪駝里洽里菜園西莊夾州窰里等處

八都之圖十八圖 邑東北上八都雙乳嶺坵溪侯城七

里岡粉壁超岡嶺等處 邑北下八都英山蜀壠柏樹萬福

殿無思塘金家橋厚榭等處

九都之圖九邑北舍源泥湘中結渡藕塘梭渚趙家鋪荆林

嶼橋北坑等處

眞隱鄉之區轄都四共三十有七圖舊志三十五圖乾隆府志五都四十五圖

十都之圖十圖 邑東捉牛岡南頭篠塘灌塘河湖橋茶溪

小田鴈塘濠上等處

十一都之圖七邑南木架墟謝坊方家巷河源嚴家橋花園

等處

進賢縣志

卷二 輿地

十二都之圖十圖 邑東南榭山王家巷貫坑衙前臧溪等

處

十三四都之圖十圖 邑東西灣常源秧塘白富洛港桐

源向家嶺徐橋島溪葛溪等處

崇信鄉之區轄都六共六十圖舊志都九四十七圖乾隆府志都五四十五圖

十五都之圖九圖 邑東北洪源羅石礮頭馬山傅溪背烏

嵐南陽池溪橋銅斗前房等處

十六都之圖十二圖 邑東北赤岡迴龍溪南臺路白土嶺

口三位黃槎長坊羅溝嘴西村齊坊渡頭芝山岡上等處

十七都之圖九圖 邑東潤溪羅盤草岡衙前等處

十八都之圖六

圖五 聶志

邑東湧橋路東雙溪棗木橋等處

二十二都之圖十二

圖十一 聶志

邑東北鍾陵橋譚源潭津田南

南山龍泉溪北河潤安渡壩上巷里車溪鹿塘青山厚源壩

坪圩第二塘陽坊嘴西湖嘴黃岡向溪蔡坊美厚東塘等處

二十三都之圖十二邑北焦浦橫坑金坑周坊爵塘瑤溪社

公山高塘官溪鄒坊鵠源山背花園梅莊孟坊陶坊磚窰岡

大傑岡古塘武塹禮山等處

內割十九都二十都二十一都田地四百五十七頃入東

鄉縣明正德間東鄉華林瑪瑙盜發朝命左都御史陳金

總制戎務右副都御史俞諫提督檄田州狼兵討平之金

進賢縣志

卷二

輿地

二十八

乃奏立東鄉縣

聶志

按江西通志陳金傳正德間東鄉姚源華林大帽山盜起

金調廣西兵以次削平卽東鄉立縣並立萬年縣招降人

居之明史紀事云正德八年六月總制江西都御史俞諫

平姚源賊奏立東鄉萬年二縣二說不符

崇禮鄉之區轄都七共三十有一圖

舊志三十圖乾隆府志都八共四十八圖

二十四五都之圖四邑北莊上醺口角山白崖大郁小郁辜

家墻官塘寨鄔子等處

二十六都之圖五

圖四 聶志

邑北神浦三陽倪坊醺口熊家嶺等

處

二十七都之圖五邑北北山畚上龍岐青山山頭禮坊前後坊渡頭等處

二十八都之圖四圖 聶志五邑北北山田西轅門東家北家興貞

觀大湖山等處

二十九都之圖四圖 聶志三邑北北山龍山八字腦啄觜頭東西

陶等處

三十都之圖五圖 聶志七邑北涇口白沙汙溪玉湖乾封陽坊篁

山等處

三十一二都之圖四圖 聶志二邑北梓溪港頭安泰等處

欽風鄉之區轄都六共三十有二圖舊志三十圖乾隆府志都八共四十三圖

進賢縣志

卷二 輿地

三十三都之圖七圖 聶志五邑西羅溪舊居新居谷岐水閣三房

寺下倉下西湓塘內章岡等處

三十四都之圖四邑西倫田井樓庄裏竹管溪北頭橋頭塘

角上嶺北柳范牛車頭高橋寺阮橋等處

三十五都之圖七圖 聶志六邑西玉嶺架橋艾溪翰城彭家橋河

頭嶺北黃泥壠段城前後曾等處

三十六都之圖四邑西土坊彭宗源湖榮坊等處

三十七都之圖六圖 聶志五邑西泉嶺雷溪大塘岡烏魚壠塘溪

瓦溪望東羅坊等處

三十八都之圖四圖 聶志六邑西介岡朱坊雪山珠坊雷岡北岸

桐山華表等處

金廷璧記明初制十一戶爲一甲百一十戶爲一里推丁糧多者長焉甲一人遞克公家之役甚均平也歲久民有消長田有增損而牧民君子或未加意編甲之時吏胥飛詭遂有共甲而隔數里一家而分數圖者米丁多寡不同而官府僉役只照圖派甘苦竟懸絕矣倘當事以細心審平使圖甲無參差而編戶俱得附便徵輸勾攝上下不有兩利者乎

街市

縣城中街市

進賢縣志

卷二

輿地

三十

中大街

東顏街

太平巷街

南長街

後街

霧嶺街

少府橋街

花巷口街

學前街

道前街

馬家巷街

蘇家角街

河門街

中洲街

前洲街

按察司前街

啟和門外

東門口市

在七都附城

禾了口市

在七都距縣半里

東關街

在七都距縣一里舊立有關今圯

捉牛岡市

在十都距縣二十里

池溪橋市

在十五都李丕立距縣四十里

南陽市 在十五都距縣五十里今廢

南臺市 在十六都距縣四十里

潤溪市 在十七都距縣八十里舊有巡司裁之今設外委

楊橋市 在十九都一名水北橋今隸東鄉縣

鍾陵橋市 在二十二都距縣六十里

潭津市 在二十二都距縣八十里

梅莊市 在二十三都距縣六十里梅莊司巡檢駐此

拱極門外

後洲街 在七都附城隔水今廢

七里岡市 在上八都距城十五里舊在白莊積後移改今處

進賢縣志

卷二

輿地

三十一

舍源市 在九都距縣二十五里

趙家鋪市 在九都距縣四十里

三陽市 在二十六都距縣五十里

涇口新墟市 在三十都距縣七十里

莊溪市 在二十四五都距縣七十里

採坊册

迎恩門外

羅溪市 在三十三都距縣三十里

玉嶺市 在三十五都距縣五十里今僅歇店三間

土坊市 在三十六都距縣六十里舊有土坊驛裁市亦廢

黃茅岡市在三十八都距縣六十里

田洽門外

張公墟市 在二都距縣二十里

水西門外

白家墟市 在三都距縣二十里

文明門外

木架墟市 在十一都距縣三十里

下埠墟市 在十二都又名王家巷距縣三十里

風俗

講習爲業士尚氣節 晉志

衣冠萃止代有文物 三朝史

進賢縣志

卷二 輿地

三十一

風土爽塏山川特秀人食魚稻多尚黃老佛清淨之教重於隱

遯蓋洪崖先生徐孺子之遺風 宋雷次宗記

處士有巖穴之雍容文章有江山之秀發樂鬪而輕死機鬼而

尊巫 黃廷堅賦

邑於山溪之間俗尚簡淡懷氣節而恥流於偷薄故治易達而習不移昔魏徵士臧隱君居之二君子植節高蹈流風遺韻百世不泯故其人之生也積習清介多深居不市文章道德光華燦燦有不可掩者 元熊釗序

深山大澤之間民多樸魯或終身抱道未嘗一至城郭者或作爲文章匿而不彰者或操觚秉翰顯於臺閣者大抵所好不同

兩漢循吏鑄頑爲仁是又在上之人鼓舞而振興之何如耳元志
士解經傳雅學積文而真知實踐者亦屢屢有之俗尚清雅崇
儒好客村落細民皆勤於稼穡敏於役作秉尊上孝弟之心然
尚氣太過小忿輒至鬪訟元丁之翰圖經

進賢之名以賢豈縣之人盡賢哉惟縣耳土多黃壤爭沃關中
可畊其浸沿漕東北流潑洄達宮亭其南陸走商惟販夫可居
其利惟鄔子多水陸產麥麻瓜茶楂梨李杜菰蒲魚鼈家可給
其隰衍北山梓溪夷曠灌涿可牧可漁其人安於土不遷於物
空侗顛蒙儉約有恥抑畏矜禮噩然藏王道於數百里內雖謂
縣之人盡賢可也又得梅魏羣英清修約行之倡故獻霏哲臚

進賢縣志

卷二

輿地

三十三

前後若水火不絕濟濟然與世張豎椽杵布光寵於毘乘雖兼
總江東西士未之或多則是縣有賢之名也固宜明舒芬慎齋序

南新豐進厚於絃誦薄於蓋藏明萬恭撰記

靈秀攸鍾人賢代有舊志

民率忠樸士高節概風候近馴金矢鮮入前志

公庭金矢進靖最鮮府志

禮義之俗不因時變學者率以重吏輕儒爲恥明宏治志

風俗之道固與時汗隆大都前所載者近是郡物土瘠而文學
饒加以澹臺倡其教徐孺子厲其節二范導其風以故士矜義
概人絕浮華蓋有齊魯唐魏之遺焉縉紳先生競自標置恥謁

有司閭左無大豪市井無遊食第挾莢操技而糈五方者所居
成市節府志

其農勤稼穡務儲積然高田多依山土石相半水出石罅中性
冷而善凝灌溉爲難卑田多濱江湖隄防是賴雨暘稍愆卽厓
偏隅旱澇之憂故或終歲勤劬不能克贍家口山農則多事樵
採澤農則兼資網罟以補不足府志

總一郡之敝俗尚氣喜爭好巫溺女葬惑堪輿贅傭易去其主
日摻牒詣官者大率皆邱隴逋逃之事邇者遊間貴介服食華
靡爭擬於三吳而寢忘其先進之故識者蓋重憂之夫陶之以
禮讓明之以好惡長民者之責也府志

進賢縣志

卷二

輿地

三十四

其婚姻重門楣輕財貨娶日壻不親迎婦及里門壻先詣轎所
攜簪插婦鬢旋取婦簪自插謂之換簪府志

其喪葬父母歿親族皆至殮日設飯謂之關風飯喪之七夕其
前夕舉家哭門外謂之接七設酒食祭奠餘七亦如之凡新喪
行草弔葬日行大弔惟俗信地師家言圖穴選方拘忌時日重
富貴之思昧仁孝之義卽一二士大夫家力矯其敝終莫爲之
家喻而戶曉也府志

其歲時元旦各村公置譜餅照竈丁分給年自六十以上遞增
壽餅以示尊崇自童生生員以上遞增考餅以爲鼓勵
燃炬出行戚友遇於途則交拜人日俗稱上七早食羹湯畢各

就恒業諺曰喫了上七羹大人小子務營生元夕鄉間設板燈其制象龍頭龍尾貫於板板置燈數籠節節相承共成一板農人驗燈色以占歲閏歲正月扮童女爲傳奇名臺閣舁行城鄉又多扮鐵拐李持酒葫蘆遇人輒飲之前列旗蓋從金鼓謂之迎閏清明日重拜掃禮各治酒食祀於先塋五月五日爲龍舟競渡傳葩伐鼓以爭先爲勝六月早稻熟擇辛日作新米飯先薦祖考然後合家食之名曰食新七月中元各備牲醴楮帛祭其先姻戚家有喪事者雖送葬後遇中元前數日亦各具酒食楮幣往祭其靈元旦後數日亦然九月市重陽糕多插五色楮旗冬至日合族共祀於宗祠歲將終擇日治酒曰團年座無姻戚女嫁者來歸亦禁不入席除夕置火忌客

進賢縣志

卷二

輿地

三十五

物產

稻之屬

北風占

高田則赤
低田則白

百二十日占

又名大占

百日占

九十日占

大生占

八月熟

背塘占

米近糯

晚赤占

柳占

米赤無毛

土黃占

米白

通山占

米赤

無名占

米赤

毛占

米白

麻占

米白

白米秋占

米白

救饑占

五十日熟

洞占

米青白

以上名占者宋大中祥符間其種自占城國運至也

羸志

團草早

尖穀早

一坵水

五十日早

南早

七十日早

由風早

百日早

見秋早

陝西早

劉陽早

黃瓜早

皆早禾

香南早

洗耙早

四節早

桅杆早

獨不仆

朝仙早

淮西早

香粘

米長三四分

柳條糯

百日糯

鐵糯

赤粒糯

油麻糯

稚子糯

芒鬚糯

寒秈

金絲糯

赤脚秈

重陽糯

紅殼糯

寒糯

麥之屬

大麥

小麥

莠麥

鴈爪麥

米麥

無殼大麥

苦蕎麥

二月種五六月收取粉作餅要一順手如逆則苦不可食作燒酒良

粟之屬

進賢縣志

卷二

輿地

三十六

占粟

米硬

蘆粟

鴈爪粟

狗尾粟

穗小

芒槌粟

穗長大

千鍾粟

粒如莧子

菽之屬

黃豆

黑豆

小者夏熟入藥補腎大者秋熟性寒損人

赤豆

人藥利心經俗醫誤用半赤半黑者乃相思子

羊眼豆

田豆

扁豆

一名蛾眉豆

虎爪豆

青皮豆

花豆

豌豆

刀豆

蠶豆

褐豆

綠豆

飯豆

一名白豆

大豌豆

冬種

白馬豆

硬岡豆

紅色居多英必雙生名羅裙帶

荷包豆

蔓生子似荷包黑色白紋

進賢之豆有三美季夏之初即出俗名六月報其實圓小而

味甘白眼者極佳廣信造約者必以和竹楮蘇杭織房必資以滑經其次取油味與色勝他豆而其枯餅獨重肥田極宜稻故江南人趨收取之乃村市反貴白豆以其粒大也浙中人謂白豆寒有毒不以食但用澤田聶志閒閱府志獨進邑地糧最多核之乃半爲豆地半爲草地也草以肥田耳遠人獲之直至賤不知當日何以有糧且地之熟者賦易取盈然所入亦鮮一年不畊卽奧草踞之矣地鄉之農四季獨勤苦不得少休唐儉邠勤吁可憫哉聶志

臬之屬

脂麻 有黃白黑三種

進賢縣志

卷二

輿地

蔬之屬

葵 俗呼滑菜有紫莖白莖二種

箭筍白 卽油菜摘心爲菜子可榨油

蒜 大者爲葫小者爲蒜截去兩頭吞之治疔癰

芥 多種子隔年者幹

菘 有春菘秋菘二種卽今白菜子作油傅頭長髮

蔥

韭 子根皆可種剪不宜日中

薤 俗呼薤子有野薤麥原中葉小味益辛

薺 三種一白花者一地上生者名香班花白一田上生者名班花黃俗呼地英菜

菴 俗呼老鴉蒜

恭菜 卽蛄菜

胡荽 俗呼荽

薑 新芽曰子薑因尖色紫又曰紫薑

莧 有紫白赤數種又有冬莧菜葉似馬蹄

陸齒 俗呼馬齒莧

茄 有青紫白三色長圓二種能理足凍瘡

苦菜 卽茶俗呼鷺兒菜又名野苦蕒

蕁 卽莧水

芹 有早芹紫芹

蕨 二三月採可食

薇 味苦

苜蓿 二月生苗秋後結實俗呼水粟

蔓菁 今謂之臺菜四時皆有子作油燈甚明

苦蕒 卽芑有尖葉

蒼蓮

紫蘇 葉似落葵而小卽蕪菜治野葛毒

菠薐 一名波菜

蘆菔 俗呼蘿蔔有葉食根食二種

胡蘿蔔 能制麪毒

蒿苳 四月抽臺剝去皮曰

芋 大者曰芋頭小者曰芋孀有水旱二種

薯蕷 卽山藥

百合芋 八月種

地蕘 今呼土菌

甘藷 味同薯蕷有紫白二種

黃花菜 卽山草

鹿角菜

筍 多種

鴛鴦料葉 以上三種俱野菜可食

黃花菜 卽山草

牛角演

蕪之屬

瓠 形長味苦有線瓠田瓠瓠瓠多種惟藥瓠味甘

匏 短頸大腹味苦

絲瓜 俗名紡線

王瓜 卽土瓜

青瓜 皮有青色

白瓜 形類絲瓜色曰

南瓜 黃色一

冬瓜 最大

西瓜 出鄔子者佳

甜瓜 俗呼枕頭瓜

雪瓜

甜瓜 俗呼枕頭瓜

進賢縣志

卷二 輿地

三十八

菓之屬

桃

李

杏

栗

梅子

楊梅

有紅白紫三色

櫻桃

即含桃

棗

色白為棗紫黑為羊棗

林檎

俗名花紅大者名沙果

梨

柰

有青白赤三色

栗

小者名茅栗

柑

橘

橙

柚

一名條

香櫞

枇杷

柿子

金橘

橄欖

一名諫果

無花果

榛子

榧子

山查

海梧子

梧桐子

橡栗

俗名櫟子蒂有斗可染阜

楮子

似櫟畧大

楮子

小者為咭珠大者為苦珠

甘蔗

汁可煎作糖

落花生

蓮子

有赤白二種

藕

白蓮者佳

芡實

其花向日性暖

菱芡

兩角曰菱四角曰芡其花背日性寒

進賢縣志

卷二

輿地

三十九

葶薺

一名烏芋野生者小而香

銀杏

俗呼白菓

石榴

花紅

木瓜

葡萄

金線葡萄

藥之屬

烏藥

梔子

出小天台者佳

紫蘇

薄荷

牽牛

葶藶

苦蕒

即瓜

青箱子

半夏

香薷

元參

草決明

何首烏

三稜

旋復花

白朮

澤蘭

土地黃

土牛膝

麥門冬

天門冬

藁本

茴香

獨活

俗名土當歸

兔絲子

萆麻子

蒼耳

蛇床子

益母草

野大黃

甘菊花

薏苡仁

艾葉

前胡

香附子

威靈仙

天南星

菖蒲

乾葛

苦參

覆盆子 旱蓮草 蒲公英 夏枯草 黃精 豨薟

馬兜鈴 根即青木香 金銀花 穀精草 茱萸 枳實

枳殼 桃仁 地骨皮 桑白皮 杏仁 青皮

羊蹄根 即馬蘭 桑葚 金櫻子 鉤藤 山楂

白扁豆 青木香 五加皮 石櫛 楓香 桔梗

紫河車 紫白二種又名金線重樓 草豆蔻 白頭翁 松花粉 茯苓

土蒼朮 土茯苓 側柏葉 款冬花 槐實 柏仁

使君子 女貞子 密蒙花 山茱萸 花椒 蓼花

酸棗仁 其樹即槲棘 佛耳草 淡竹根 荊芥 蘆粟根

竹茹 烏梅 木瓜 竹瀝 用水佳 黃蘗 百合 紅白二種

進賢縣志

卷二

輿地

四十

石榴皮 急性子 矮荷 大楓子 扁竹根 尋風藤

鹿茸草 虎耳草 芫花

木之屬

松 一種名羅漢松有實結者 柏 有結實二種 櫟 即豫也

樟 即章也豫章二木生七年乃可辨 檀 黃香者 槐 檜 柏葉松身俗名刺柏

椿 葉嫩時香 檀 黃香者 槐 檜 柏葉松身俗名刺柏

檉 即河柳一名三眠 杞 梨 桐 有泡桐各種

桑 柘 葉亦可飼蠶 楓 鴉楓 似楓而葉小

楊 白楊葉長圓 柳 椒 榆 白粉也歲青楊葉長

樞 今刺榆 梓 楸 有角楸柳楸分雌雄與梓本同末異

栩即柞木其實謂之椽

樗俗呼臭椿

棟結實如鈴

冬青一名萬年枝俗名凍青

楮其實可作粉

楮即穀桑皮可作布又可為紙

黃楊

杉

柯

棘即槭棘其實謂之棗

黃荊可取竹瀝其葉可驅蚊

烏白子可榨油今俗呼為子樹

櫻即栴檀可作葦花黃結實如房作魚子狀

紫金榔

佛珠樹出棲賢山金剛寺又名木難即菩提樹又

水槐

皮珠樹子即肥皂可去油

桐材可作車

女貞俗呼蠟樹

枸似白楊其子甘美可食八月熟亦名木密其木近酒能薄酒味

丹青樹

穀樹皮白無花汁可寫字貼金

練樹

竹之屬

進賢縣志

卷二 輿地

猫竹有早晚黃綠四種舊載絲可制器誤制器者乃水竹

白眼竹次水竹

水竹

苦竹

金竹

淡竹

莖竹又名倭竹此竹獨安南以為刃殺人立死本地差善耳食筍發病

篁竹

紫竹

實竹無竅桃竹一名

箬竹

鳳尾竹

慈孝竹又名子母竹

百葉竹又名箬竹有毒刺虎豹即斃

觀音竹

桃枝竹可為席

筴竹節皆有刺

天竹一名南天竹

花之屬

梅花

蘭多種類山蘭更香

蕙

瑞香

山茶數種實珠茶佳

金鳳即鳳仙

木樨

海棠垂絲者佳

月季俗呼月月紅

茶蘼一名木香

秋海棠

杏花

芙蕖 名即荷花別

木芙蓉 一名木蓮一

梨花

山礬 一名七

梔子 一名薝蔔結

玉簪

水仙 單瓣者為水仙又名金盞

玉蘭

滴滴金 一名旋

杜鵑 一名映

木蘭

石榴 有千葉者

木槿 有紅白二色

桃

紫荊

凌霄

篇竹

繡毬

雞冠

牡丹

石竹

紫薇

夜落金錢

葵 多種

萱 有黃白紅紫麝香重葉單葉數

觀音蓮

水海棠

木牡丹

夾竹桃

合歡 一名夜合

嬰粟 一名御米

蠟梅

珍珠蘭 即魚

茉莉

芍藥

進賢縣志

卷二 輿地

四十二

玫瑰

羊躑躅 一名鬧羊花俗名腦

草之屬

苧

葛

艾

藍

芝

莎

苔

茜 有二種

藻

苻

蓼

蒿

莢 可為

藤

菰 實為

左纏藤 即金花

馬鞭草

蘆荻

佛指甲

鴈來紅

半邊蓮

接骨草

鳳尾

龍茅

龍鬚

棚棚子 能稔歲亦

龍膽

酸心 可洗

野燈心草

見風消 毒愈

薜荔

生牆香
可玩

鶴頂珠

愈瘡

扛扳歸

愈瘡

半邊銅錢

可烏鬚

千里光

可洗瘡出
捉牛岡

魚腥草

此草和魚水洒
牆壁沾處即生

蚊草

葉上有包
開有蚊出

羽之屬

雞

鴨

鵝

鴿

以上
家產

鶴

鸛

雀

黃雀

燕

雁

鷗

鷺

鷓鴣

鷓鴣

鴛鴦

田雞

鷹

鷓

鳧

俗名
水鴨

天鷲

鴉

畫眉

鶺鴒

烏

鵲

鳩鵲

俗名
八哥

翠鳥

竹雞

進賢縣志

卷二

輿地

四十三

子規

雉

俗呼
野雞

練雀

隼

戴勝

布穀

鳴梟

魚尾鳥

魚鷹

鵓鵒

帽鷹

靈鵲

靠天

飛極
高

秤駝鳥

能沒水
取魚

白頭翁

反舌

黃鸝

毛之屬

牛

羊

犬

猪

馬

騾

驢

猫

以上
家產

虎

豹

熊

麋

鹿

麂

豺

狼

兔

狸

獾猪

穿山甲

獾

猴

獺

松鼠

野猪

碩鼠

毛有白黑二
色可家養

鱗之屬

鯉 鮪

鱧

鱣

鱖

魴

銀魚 二種黑眼者佳

鯽 洋池者佳

青魚

金魚 潤溪出

鮠 俗名草魚

魴 鰱

鱈

鱖

鱖

銅魚 俗名烏魚

鰻 鰻鱺

鰻 鮠 即河豚

介之屬

龜 鼈

蟹

螺

蚌

龜

蛤蜊

虫之屬

蠶 蟬

蝙蝠

蜈蚣

蜜蜂

蛆

進賢縣志

卷二

輿地

四十四

蚱蜢 蛇

螢

蜥蜴

蜈蚣

蟻

蠅 水蛭 俗名馬蝗

百節草

蟋蟀

蜻蜓

蠛蠓 蝶 出水中可治刀傷

百足虫

地虱 可治疳

斑蝥 可去毒入火藥

軟骨虫 如線在人草中害水

螳螂

桑白虫 出桑中可治小兒

水癆虫 如線在人草中害水

毛虫

蝟

貨之屬

鐵 出鑠山各處舊有冶今廢

茶 出南石山者佳

煤 出鍾陵橋池陂等處亦不多

石灰 池陂燒亦不多

大布

篋布

夏布

棉花 紅石 出山白崖

木炭

黃蠟

麻油

菜油

皮油

沙糖

烟葉